

兩
浙
名
賢
錄

兩浙名賢錄卷之三十六目次

清正

明二

廣東左布政使陳士賢選

子戴附

監察御史金尚義忠

父愷兄尚德附

寧國府推官王克順樞

萊州府知府施廷偉奇

刑部郎中項文祥麒

副都御史吳尚忠誠

子璿附

通政司右通政陳世用嘉猷

監察御史董廷瑞琳

子鎬附

山東按察司副使張鳴玉珩

武昌府知府吳天爵福

子俊孫光世附

太常寺少卿鄭瑤夫環

刑部員外郎李文盛衍

雲南按察司副使許昌世盛

刑部郎中沈原質彬

趙州知州童邦英俊

四川按察司副使張仲明昌

兵部員外郎童廷式昂

工部尚書張時俊貴

刑部右侍郎徐明德懷

右副都御史張孟介燕

山西提學僉事楊質夫文卿

子叔達
叔通附

澤州知州陸伸奇偉

工部都水司郎中趙有年年

太平府知府劉世用忠器

會都御史王希文純

雲南府知府董德初復

岳州府同知施克明德

貴州叅政沈原節榮

從子煉
孫垣附

雲南左布政使丁養浩

廣西叅議張文衡銓

刑部侍郎沈文進銳

吏部尚書王德輝華

刑部侍郎楊志仁茂元

刑部尚書高肅政友璣

副都御史朱廷璧珣

監察御史包民望澤

鄖陽府知府俞廷臣蓋

涿州知州薛有年穰

河南左叅政秦從簡文

都御史王汝言綸

刑部侍郎王德溆浚

工部尚書蔣粹卿璫

都御史胡汝登東臯

都御史宋孔瞻冕

孫岳附

太僕寺正卿胡時振鐸

廣西布政使楊惟德守隅

淮縣教諭吳夢夢

湖廣按察司副使徐汝容渾

山東參議徐成之守誠

大理寺司務姜實夫芳

吏科給事中吳子華薈

湖廣按察司副使俞仲才振才

弟振英附

兩浙名賢錄卷之三十六月次終

兩浙名賢錄卷之三十六

東海徐象梅仲和氏謨

大易馮洪業茂遠氏閔

清正

明二 共六十六人

廣東左布政使陳士賢選 子戴附

陳選字士賢臨海人自少潛修獨詣不求人知惟以古
聖賢爲志天順庚辰試禮部嶺南丘濬得其文曰此古
君子也置第一及相見而貌不揚濬曰吾聞荀卿云聖

賢無相將無是乎授監察御史出按江西風紀大振布
按長貳調每易素服以入選曰此非憲綱體也人臣觀
君服必視其品顧獨殺於御史乎於是皆動色相戒不
敢犯已督學南畿校士一以德行為本試卷明列諸生
姓名不爲糊封曰吾且不自信何以信於人邪至誠相
臨無不感動條冠祭射儀令諸生以時肄之每按部就
止學官徐行審觀周旋磨折絃歌俎豆古風郁然前後
三載變色之言不施於衿佩而成就興起至不可縷數
遷河南兵備副使尋改提學中州學者咸慶得師會倖

卷汪直被命巡郡國都御史以下咸匍匐趨拜選衙長
揖直怒曰爾何官敢爾選曰提學直愈怒曰卽提學寧
大於都御史邪選曰提學非都御史比但宗主斯文爲
世表率雖死不可屈節直見選詞氣嚴正舉止安舒而
諸生且集署外不可犯遂改容曰先生無公務相關自
役不必來選徐步而出尋轉按察使擢廣東布政使時
嶺南市舶太監常眷專恣倍尅勒富民供辦選奏減其
數眷復縱黨通番番禺知縣高瑤發其賊鉅萬都御史
宋旻不敢詰選獨移文焚瑤眷深銜之知中官戚疾選

乃誣搆選黨比高瑄和同貪墨。上怒遣刑部郎李行會巡按御史徐同愛鞠之行同愛畏春不敢反異復賂選所黜吏張襲令誣執選襲不從行等阿春執襲拷掠襲曰死卽死耳安敢以私憾滅公義陷正人也行等羅織無所得乃誣選矯制發果幽庇屬官罪當徒奏入詔奪選官遣歸衣逮選士民數萬人號泣遮留以衛士辟除始得出省城至南昌疾作卒於石亭寺時年五十八友人張元禎欽以疏縗武劾其薄元禎曰公平生平清苦殯以時服公志也張襲乃上言臣聞周公元聖而四

國之謫乃致上疑於其君曾參大賢而三至之言不免
近惑於其母豈成王之不明參母之不親哉凡以口可
鑠金而毀可銷骨也陛下明並日月恩同父母詎圖怙
冒之中尚懼屈抑覆盆之下復有沉寃竊見廣東布政
使陳遜少崇正學夙抱孤忠孑處羣小之間獨立衆憎
之地太監韋眷通番敗露知縣高瑤按法持之遷移文
嘉獎以激貪懦固監司之體也奈何宋旻徐同愛怯勢
保奸首鼠兩覷以致眷橫行胸臆汚蟻清節榮惑聖明
勘官李行承眷願指銀鍊成獄竟無左驗臣本小吏以

註誤觸法爲選罷黜是臣自取眷妄意臣必憾選以厚
賂啖臣令扶同陷選臣雖胥徒安敢欺昧心術顛倒是
非眷旣知臣不可利誘乃嗾行等逮臣於理彌日拷掠
身無完膚臣甘死額天終無異口行等乃依傍眷語文
致其詞劾選勘災不實擅便發倉曲比屬官意圖報謝
是毀共姜爲夏姬誦夷齊爲盜跖也頃年嶺外地震水
溢漂民廬舍屬郡交牒報災老幼引領待哺而撫按清
臬若罔聞知選獨抱隱憂食不下咽謂展轉行勘則民
命垂絕所以便宜議賑志在救民非有他也選素剛正

不堪屈辱乃爲勘官凌侮憤懣成疾旬日而殂李行幸其就死不爲醫療又遣養子密報選死於春以快其憤宵人佞毒一至於斯司寇之屬要在詰姦刑暴安取此輩爲也夫選砥節奉公橫罹讒構君門萬里就諒其冤臣以罪人擯斥田野棄來自給百無所圖敢冒死披陳甘心鼎鑊者誠痛忠庶銜屈抑之冤長讒佞之奸爲聖明之累也奏入不報第以他事罷春鎮守弘治初工部主事蕭田林沂疏雪選冤詔復官禮葬正德中追贈光祿卿謚恭愍初選做范文正公置田百四十畝祀先

周族名思遠，莊迨卒，族以選貧甚，舉田還其子戴。戴不可，曰：「先人行義，戴取而私之，獨不媿乎？」人謂選有子云。

監察御史金尚義忠

父愷兄尚德附

金忠，字尚義，處之麗水人。父愷官雲南按察司僉事，忠少從父宦游四方，甫就學，輒棄去，商販蘓松間。年二十，見兄尚德舉進士，復奮就學，補雲和博士弟子。數年應貢，升國子生。天順甲申，登進士第，會修英廟實錄，奉命往應天等府，搜採事蹟，還，簡試御史於南京，尋拜貴州道御史，卽上疏陳三事，皆人所不敢言者。出遷上江。

抵南康諸府法尚嚴肅沿江諸司各鑄木榜籍兵魁期更相考覈往來江上無虛日盜不敢肆攝雲南江西山東三道事未幾奉臺檄遷建松蘿諸郡忠執法不變有被按者誣以事奏遂逮捕忠聞命以妻子屬其友陳御史直大曰吾不免矣自往就逮入詔獄獄成命戍遼東三萬衛忠談笑就道至遼杜門謝客有達官問所欲忠謝曰此正忠平生所不敢爲者居六年病卒時諸子皆不在側家人以冠帶服忠忠已不能言但搔首至再易深衣乃一頓而絕時年四十有人忠性剛斷負才氣見

義無所讓同邑進士吳榮卒貧不能舉忠合購治葬又
贈所膏田若干畝遺其家貢御史壁道死忠具棺歛歸
其喪致賻以行所著有堯天稿三卷東隱童子吟稿三
卷廣惠集方一卷藏於家

寧國府推官王克順樞

王樞字克順、陳人景泰中以貢授寧國府理刑、剖決明
敏、獄無冤滯、丁氏婦、鄴少寡、其叔挑之、鄴欲聞於官、叔
懼、誘母訟以不孝、守將刑之、樞廉得其情、爭於守曰、公
不惜一婦人、獨不惜寧國郡三年不用乎、守悟、鄴得免、

未幾卒。囊無餘金。民爭出錢爲購。其子某謂不可以。故汚吾父。盡却之。太守聞而嗟異。與同僚各捐俸以助。始克歸葬。

萊州府知府施廷偉奇

施奇字廷偉。嘉善人。登景泰甲戌進士。授工部主事。奉使山後諸鎮。閱兵砦。邊將有餽遺者。悉却之。尋復清匠江西。至建德。鄉人有官藩幕者。以白金來餉。奇駭曰。是安得此。若執汝。則賣慮矣。亟去。鄉人慙而退。成化初。擢知太平府。丁外艱去。服闋。改知萊州府。卒。奇爲人挺挺。

有風俗尤精吏事楊繼宗時爲嘉興守每造其廬聽食對談盡日廼去而奇未嘗一語及私當路莫不嚴重之刑部郎中項文祥麒

項麒字文祥仁和人景泰七年由舉人授南京吏部司務歷陞南京刑部郎中當憲皇登極之初詔求直言麒應詔指陳五事一曰務正學二曰納諫諫三曰崇節義四曰遠近習五曰弭天變語甚切直皆人所不敢言者無何以病乞致仕家居三十年絕跡公府甘貧屢空寄居於人巡按吳某高其節槩授室一椽始有寧止厨

無兼日之積而自視坦然吟咏不輟平湖實尹以賄敗
臬司邵廉憲舉麒麟清節諭之曰汝何不學項正郎乎蓋
魏之也尹意邵雅重麒麟卽暮持百金求爲膏解麒麟
却之尹慚魏而退未幾以無疾終後延按御史唐鳳儀
以麒麟與王琦褚遂良同里表其里爲忠清里奉王項之
主旣於褚廟學使孔天胤又別建揚烈祠以祀王項二
公云

副都御史吳尚忠誠

子瑜附

吳誠字尚忠錢塘人景泰辛未進士授兵部武庫司主

事歷官至都察院副都御史、兼撫湖廣、明年改雲南卒
於官、誠才識宏遠、前後所歷官、皆有政績、賢聲其撫雲
南叛夷尤盡心力、爲人淳樸簡重、孝友誠確、敦厚姻族、
耻言人過、與人交敦信義、久而不渝、宅心恬澹、衣裘朴
野、居鄉、混迹閭里、未嘗飭騶從、盛車徒、嘗以婚禮、盛服
入城、鄉人廣南守徐敏見之、疑其變節、過朱叅政鏞所
言及、相與嗟悼之、頃則誠至、見二人有不豫色、詢其故、
二人曰、時俗可傷也、誠曰、非以誠今日與服之、異常與
二人曰、然、誠告以故、且謝過、卽屏去、復衣故衣、其淳朴

如此子瑜官御史砥節彌行卒殲其不給稱濟美云

右通政陳世用嘉猷

陳嘉猷字世用贊之子自餘姚遷家於杭舉景泰辛未進士授禮科給事中轉刑科嘗兩使外夷堅辭餽獻清風峻節夷酋皆敬仰之陞通政司右通政居父喪哀慕不輟無何卒

監察御史董廷瑞琳

子鑰附

董琳字廷瑞鄞人景泰五年進士除南京監察御史時掌錦衣衛事都指揮劉敬父子恃勢肆虐言官莫敢誰

何琳獨疏其不法，敕遂逮繫降黜，而子亦戍邊。風歲集，然轉山東按察司僉事，劬勞致疾，乞歸卒。子鑄字啟之，弘治庚戌進士，補上海令，陞監察御史，出按雲南，鎮守太監孫景興都督盧和交構，累經按鞠，莫敢與決。鑄承旨一訊，輒得其情，皆置諸大辟，巨豪爲之斂迹。及劉瑾竊柄，除不附已者，乃矯詔逮之，勒令致仕。瑾誅，復徵，竟以病不起。父子俱以神羊觸邪，直聲振天下，至今人稱真御史者，必曰大董小董。

山東按察副使張鳴玉珩

張珩字鳴玉，仁和人。少介特，力行好修，嘗以一介不取爲本分內事。嘗溫州却金亭，爲近名人多，以薦士期之。景泰元年，領鄉薦。甲戌，授監察御史，整點京營壯，薦老弱過目，輒不忘人，皆憚其明察。丙戌，陞廣東按察司僉事，尋改山東，嘗錄一劫盜獄，發奸摘伏如神，部衆驚服。性廉介，中貴溫某感其舊德，餽以金綰，珩拒却之。溫媿而擯於河。甲午，陞本省副使，致仕歸。橐中蕭然，僅如素士。卒之日，幾無以爲殮。

武昌府知府吳天爵

子俊孫光世附

吳福字天爵錢塘人初起刑部掾屬以從征國寇鄧茂
七有功授兵部司務景泰二年復從都御史蔣琳撫貴
州叛夷尋改工部福爲人肅直義不苟取嘗過寶應夜
宿驛中獲遺金數百兩急呼驛官掌之詰朝牒付縣爲
修學費尚書倪謙學士錢溥咸爲紀其事海內多誦美
之仕終武昌府知府子俊孫光世相繼以科第顯遂稱
世家云

太常寺少卿鄭瑤夫環

鄭環字瑤夫仁和人厚之子天順庚辰進士及第授翰林

林院編修與修

英廟實錄遷修撰再遷司經局洗馬

主考兩京鄉試授

皇太子經於文華殿陞南京太常

寺少卿欲迎養其母母不欲行乃留妻以代養獨處京

邸或勸買妾環曰若是則以養母紿吾婦矣比歸省則

妻已卒乃奉母之官終身不娶平生直諒誠懇人有過

則正色規之方毅寡諧與人處同列多不樂其所爲然

察環無他腸終亦不怨也尚書魏文靖嘗遺書戒子曰

事事當法杭之鄭瑗夫庶可爲人矣其見重於名賢若

此所著有聚庵稿藏於家

刑部員外郎李文盛衍

李衍字文盛，鄞人。貢入太學。中順天乙卯鄉試，會王振承張太后旨，選衍寫經托疾弗往。因久次不選，遇恩例，授廣州府推官。屢辨冤獄，以撫勦反寇有功，陞刑部員外郎。時曹石用事，衍家人奪民產，訴於朝。衍承命往勸歸田於民。大忤亨意，諷錦衣門達構衍重罪，請戍宣府。亨敗，得復官還田里，以孝友稱。

雲南按察副使許昌世盛

許盛字昌世，世居海鹽之武原鄉。後析隸平湖，遂爲平

湖人生而穎異喜問學工文辭領景泰丙子鄉薦天順
庚未禮闈火夏秋試中式甲申賜進士第授刑部主事
進員外郎應因陝西平反洗雪者百餘獄擢四川按察
僉事練習律比肺石之下無寃民內艱服闋補原官分
巡川北大竹飢民投券富家而取其粟有司坐以劫盜
律死盛閭牘數曰投券貸粟以救死耳隱貸爲劫非情
已且民方自生於飢而子民者顧誣死以盜如父母何
令貧民具本息以償富家悉杖而遣之歛聲動地時儀
隴土寇驟聚勢方克斥聞飢民之歎得乎也皆額手呼

天曰許父仁人也吾屬寧可自棄於暴露之外應時解
散境內以寧外艱起復改山東未幾轉雲南按察司副
使民有鬻銅爲業者其仇誣以盜贖獄具已盛辨其冤
立釋之其人詣臬門臂香以謝尋乞致仕歸盛剛直肅
介所至有禾藥聲傳入所餘悉以賑親黨之貧者歷仕
三十餘年衣粗食糲如寒素致政歸囊橐蕭然雖屢空
不慍也身歿未幾子孫貧不能自存至今邑中稱清白
吏者必首許剛使云

刑部郎中沈原質彬

沈彬字原質武康人莊重端謹同學閻遠第進士拜刑部主事進員外郎小心勤慎練達治體爲部長所信任凡疑獄平反必與之裁制下外輟起爲兩淮漕運理稱尋遷雲南清吏司郎中司隸京畿訟獄視他司倍乃益明慎聽斷死獄必求其生且曰求其生或失於死人於死可復生乎故雖死者亦自以爲不寬然竟以勤勞致疾乞休養杜門不出其居官以清白自守囊無餘貲有司時有所遺輒辭不受人咸服其高致

趙州知州童邦英俊

童俊字邦英，歸安人。識達天人學，窮理奧，由舉人知嘉定。時民事田獵，不知耕稼，俊教以力穡。至今祀爲稷神。遷知趙州，出富民陸氏之冤獄，畿板進士安魁於廩諫，因內臣王政，還歷踐踏士類，不屑折腰，遂拂袖歸。民攀車泣留，共立生祠祀之。歸家，囊殮不繼，家人撤其几以易米，則持卷於手，誦讀如故。日夕考索經傳，作書韻會通若干卷。士論評其家學精，則童品博；則童疏兼之者，俊也。

四川按察副使張仲明壽

張昇字仲明都御史楷之孫也自慈谿徙居鄞平橋之南生有奇質貌古而性剛登成化壬辰進士第授鉛山縣知縣有異政一時稱爲神君以最擢南京監察御史時威寧伯王鉞挾其武功偕保國公張永太監王直兵部尚書陳誼將挑募北邊昇曰是爲國家害不小抗章劾之詞連內閣司禮由是內外大臣皆銜之而未發也會南京守備太監薛琮聞昇名求見不許且劾琮鬻放軍伍琮乃誣奏昇擅作威福遂左遷南京通政司經歷久之以薦轉四川按察司僉事查理鹽法蜀中鹽利最

饒先是理鹽者，幸以賄敗，曷搜剔弊蠹，一新以法。性暴，何不能與世偕？又每以執法失上官指，遂再疏乞休，不許。而遷曷剛使，守備建昌、黎州等處。時同事馬太監信，用衛士周慧，以其善黃白術，將進之朝。曷聞而驚曰：「是庸之柳泌也。」卽擒慧置獄，而劾馬之妄。事乃獲寢。歲餘，度終不能容於時，乃和陶潛歸去來辭，引疾歸。時年甫六十，環堵蕭然，出入不能備騎。從家人糠粃，或不膳而超然容與，日以經史自娛。歲嘗大侵，大臣賑飢浙東，聞曷貧甚，遺五十金，堅拒弗受。利害禍福，不待解遣而自

不能膠其中，雖於俗不屑苟同，而對衆坦坦，不爲矜域，
胃懷如冰玉，不可點染，其表姪憲副余本，每侍闕未嘗
不勗以道義，病既革，猶張目謂之曰：「努力！今日人才自
勵者少，若能扶持一日，是培國家元氣於一日也。」蓋立
身爲國之心，至死不亂云。

兵部員外童廷式品

童品字廷式，蘭谿人。幼與章楓山齊名。成化甲辰貢於
鄉。丙午舉南畿。又十年而始成進士。或勸之減年通籍，
曰：「吾早學而晚達，命也。敢爲欺乎？」授南京兵部武庫司。

主事再遷武選員外郎武庫頗有羨餘同官以墮庫風
之云不可立異以取忤僚友不計也有指揮詭以文選
失水求之任侍郎力庇之品力爭不可聲色俱厲尚書
解之曰童員外義理勇也居官僅兩考遂引年致仕家
居十九年以讀書喪明貧不自振而卒所著有周易題
義春秋經傳辨疑禮記大旨正蒙發微含章子集金華
文獻錄若干卷

工部尚書張時俊

張嶺字時俊蕭山人成化丁未進士明年弘治改元

憲廟實錄於菴松常鎮乘筆惟公不惕權勢除江
西上饒縣知縣以治行第一陞南京兵部車駕司主事
先是部屬入守備聽見中貴執禮甚卑嶺肅揖而已
聞之者赫然晉本司員外郎正德初劉瑾擅權勢傾中
外適陞平侯張祚卒無嗣弟姪爭襲奏行該司勘問祚
理屬貴不可奪乃矯制取人刑曹未幾出知興化府革
車赴任時郡人戴大賓弱冠登第瑾欲以姪女奪其舊
聘賜嶺主之貴不應瑾大怒遂擢陞平侯事落職瑾誅
起守南雄清操重勵甫一年陞江西參政時宸濠潛蓄

異謀賂結中脅請臣亦欲嬰致貴陰使人道意貴正色
拒之還本司右布政尋轉左時濬欲拓府居以擬大內
黃堅不許十時繕紳咸以鉄僕目之濬忌終於掣肘廢
權潰南京光祿寺卿尋拜右副都御史巡撫保定地方
適武甯遇盜檄登江彬發軍輩往來旁午誅索郡邑
無一無所應統轄安堵羣小謀以擠之遂移疾歸世
宗皇帝入繼大統詔求耆舊起擢右都御史總督兩廣
軍務兼理巡撫計擒上思州官黃鏐剿平劇賊嚴阮蔡
猛三等請塞新獲萬餘人民迷以寧取字南京都察院

尋陞工部尚書再疏乞休卒年七十有四禮部得請如
例祭葬。爲人剛方質直服用朴素居齋出入不用輿
馬處鄉人如家人父子情意藹然接有司未嘗不以時
政得失相規居官四十餘年計其所殖僅足以自給廉
潔之操始終不渝人以爲難

刑部右侍郎徐明德懷

徐懷字明德建德人天順庚辰進士筮仕刑部由員外
郎陞江西按察司僉事遷湖廣副使守瓊州未行改湖
廣久之遷按察使未幾陞江西右布政使轉左弘治改

元召爲都察院右副都御史，飭畿輔邊備，兼巡撫兩京。俄擢南京刑部右侍郎，以疾乞休，不許。卒於位。懷學識端正，操履謹嚴，習典故，洞世務，事入手，沉審不卽發，發卽不可梏法。當然不假借一毫，素無私請於人人，亦不敢請以私。賢者無顯晦，一見如平生，惟而檢非其人，雖當要途禍福在呼吸間，視之藐然也。起家司寇，隨所至獄無滯囚，且曲得其情如神明。左憲皆理屯種法，立獎清屯，無惰兵。江西增蕪田租三萬餘石，湖廣所增數亦如之。握憲畿輔，任益重，惠益弘，修築關隘九十餘所，事

不踰時歲大侵請發戶部銀米以賑饑備凶荒鉅帑爲
糴本實州縣以防後虞歷官中外三十餘年不問家人
生產非義物未嘗一日及見義所當爲則直前不讓每
處危疑大事皆不動聲色犖然貫人心而濟本以清鄭
司成廷綱傳懷謂見精識到智者莫能測巧者無所售
君子以爲實錄

右副都御史張孟介

張蘄字孟介歸安人成化丙戌進士歷刑部主事員外
郎郎中嘗使封藩堅却餽遺一時以爲蘄擢江西按察

司副使時賊寇廣信永豐銀礦。庶命塞之以絕其望。賊遂解散。轉桂州按察使。奏誅印江豪酋。置縣官。及遷左布政使。與征都清苗寇有功。請增桂州解額。自庶始。擢右副都御史。巡撫貴州。疏言。屬府黎平僻遠。而五開軍衛牽制兩省。宜令湖廣兵備副使聽節制。及削鎮遠土官。置縣官。如印江例。皆從之。庶剛方。耿直。好面折人過。動與物忤。由是被劾致仕。行之日。父老。軍夷無慮數萬。遺留之。正德四年四月卒。於家年七十六。三。具士一脫。自卽致貲。年其不必久。宦已累。此素封。庶履仕三十餘。

年既卒而家無厚產不爲習俗所移論者以爲賢

山西提學僉事楊質夫文卿

子叔達叔通

楊文卿字質夫鄞人發解浙省第一舉會試第二授兵部主事父死免喪改刑部時有尹清者夜飲殺人事覺匿豪家令其妻賄同飲者張鐸承之文卿一訊知其誣根捕尹清豪長者爲請不聽竟坐清而釋左驗者歷員外郎郎中陞山西提學僉事嚴條約公勸懲嘗曰考試糊名此以革提學之弊非革士子弊也不自爲弊安用是竟不糊名士無異議屏巫覡毀淫祀凡緇黃之居皆

夏爲社學、選秀異子弟、讀書習禮、其中士風民俗爲之
丕變、陞山東提學副使、其教一如山西、以積勞致疾卒、
文卿外員而內方、平居恂恂和易、臨事卽確然不可奪、
居官律已、務爲清約、門無私謁、室無長物、其死也、橐篋
餘貲、惟圖書數篋而已、子叔達、隱居不仕、以孝義稱、叔
通、第戊辰進士、歷官山西左布政使、乞納祿歸、廉儉不
媿、其父云、

澤州知州陸仲奇傳

陸偉字仲奇、錢塘人、順成化乙酉鄉薦、家貧、開門受徒、

拜以爲養。二親相繼歿，哀毀幾滅性。服除，謁選吏部議
第一授山西澤州知州。州罹游飢，人相食。偉奏發內帑
以賑，先出倉粟作糜以食餓者。區畫纖悉，不懈晝夜，全
活以數萬計。州多宗室，和買吞併之害，其來已久。歲發
祿米稍後，辱及官吏，以爲常。偉悉裁之，以法世家大族。
武斷郡邑，凌轢閭左者，禁不得肆。與夫請托一切不行。
因相與銜之。乃族宗室，誣奏偉數事，下三法司勘讞詔
使初至，或於浮言。幾中偉以危法，而州民無老稚填咽
街巷爲偉稱寃。使者既至，始盡得其實。事乃白。知州事。

如故而偉益以風節自持。所治有寧山衛軍民。雖處恒
患弗靖。偉憚之以威。彼此帖然。總鎮中官有祗候之索。
所屬爭先取容。偉獨不與。旣而政通人和。民莫不愛戴。
之如父母。而前之怨家暨諸宗室。益不自安。輿訛造謠。
爲害方未已也。偉乃歎曰。人當自知止足。不然必速顛。
隤。乃力懇當路。致其政而歸。州民攀留數十里。車不得
行。爭卧轍而啼。如嬰兒。偉慰諭再三而後去。偉歸。惟以
教誨子孫爲務。家人奉之如嚴君。宗族不能婚娶。隣里
不能殯葬者。已雖不給。亦濟渡以周之。同與鄉之不佳。

及倦而歸者徜徉於湖山之間。更唱迭和有歸田錄傳於世。俾每稱曰。士當以立志爲先。以涵養爲要。否則大本不立。一事不可爲矣。君子以爲名言。

都水司郎中趙有年年

趙年字有年。蘭谿人。成化乙未進士。授行人。屢奉命行祀事諸王府。凡饋遺一無所受。在陝西值歲歉減廩餼。爲藩臬諸臣倡以賑民飢。全活不可數記。陞工部營繕司員外郎。監本部廠。宿弊除革殆盡。中貴憚之。差監稅蕪湖。積羨餘萬金。悉籍之。公帑代還。管理五城九門事。

執法嚴正不可犯一時目爲趙鉄面未幾晉都水司郎中時中貴有希旨將於衢州府織造金龍絹者業已成年聞之卽抗疏極言不可上允其奏自是中貴側目相與吹毛索其疵弗可得乃誣以嘗醫所乘馬多索價值下詔獄終不少屈以求免竟坐除名歸而一室蕭然養殮不難處之自如所著有一得稿碌碌集藏於家

太平府知府劉世用忠器

劉忠器字世用新昌人成化初進士出知永安改崇仁擢用臺御史終太平守爲人清操自燭不可干以私郡

有豪宦專持守令陰事以行其私忠器待以禮稍有請託輒拒之其人卒亦不能整也居鄉出入徒步自釋褐至廣金匹馬隻夫不以煩有司或以例言忠器曰吾無一毫及鄉里敢勞費之邪居恒惟以一園蔬韭自給卒於官橐無遺金子孫窮乏不能自振而忠器之名益彰

左僉都御史王希文純

王純字希文世家慈谿登弘治癸丑進士第授大理寺右評事歷左寺正陞江西按察司僉事領兵備平瑞州賊功最隆河南按察司副使領潁州兵備兼理淮陽諸

處屯田未幾改廣東時逆瑾以賄招天下響應監司守令爭輦金寶奏其門如日中之市純獨不通問瑾痛恨之適丁父艱去瑾矯詔罰輸邊粟一千石純掃室以應不足又稱貸而益之無愠容服闋改雲南金齒兵備陞大理寺右少卿時有上變告山東歸善王謀不軌者純奉詔往鞠之同事者欲深治其獄以爲功純不肯一持以正平反者數百人轉左少卿未幾陞都察院左僉都御史巡撫宣府時上於宣府有所營建純疏止之不報會與同事中貴不協遂以疾乞致仕歸純性弘毅喜

名節任義有責育之勇其所否者視之若脂居官俸入
外未嘗私一錢尤精法比事至立決而多以恕持之故
宦轍所歷至今稱爲福星子鎔自有傳

雲南府知府董德初復

董復字德初會稽人成化中進士知縣縣爲民寬催賦
釋水患卹孤乏抑兼併奏景徵拜監察御史孝皇登
極首疏斥貴倖數十人直聲大振然以是爲用事者所
憎出知雲南府其治一如縣縣時民夷德之復性坦直
無他腸居官務盡職無顧避是以所至輒奮晚歸衣弊

繞牆屋數楹。儼虎風雨足。跡罕到城市。家居孝友。目懷
課子讀書。故子玘卒能振其業。自有傳。

岳州府同知施克明德

施德字克明。秀水人。成化辛卯。中鄉試。爲人剛明仁恕。
居鄉時。卽以鈎強扶弱爲己任。弘治中。爲漢州守。興學
勸課。洗冤滯。賑貧乏。士民愛利之。豪右懾服。不敢肆已。
陞岳州府同知。其惠政一如治漢時。抱疾歸。居家閉門。
掃軌。香一不至公府。寓情詩酒。以天年終。

貴州參政沈元節蔡

從子煥孫垣附

沈榮字元節平湖人成化中進士授工部主事監龍江
商稅力祛時弊有廉能聲知潮州府嚴通番之禁公私
盡之稅未幾艱歸服除調延平所至不畏強禦歷延平
臨江皆有清譽尋陞貴州參政糧運軍餉裁制有法乃
上疏乞養伯兄早世撫教其孤煉登進士弱冠有聲
任江西參議宦轍所至豪右屏息墨吏皆望風引去桃
園寇勢猖獗煉以文臣兼武事誓身殉難卒平寇凱旋
家居睦族信友足跡不至公門榮孫垣嘉靖乙未進士
授大理評事錄囚廣西出寬民七十餘人時土官僥僂

卷之三十六
三
一無所受。獨取一膠。趙懸之。平樂公解廣人至今謂之懸趙館。後陞惠州知府。政先風化。教民孝弟。民風丕變。任一年中瘴而卒。

雲南左布政丁養浩

丁養浩。仁和人。成化二十三年。費宏榜進士。累官四川按察司副使。時有墊江富民殺人。結孤姪使冒罪。賄成其獄。養浩廉知其寃。竟反坐。轉廣東右叅政。時河源程鄉賊蠭起。募人守要害。使不得逞。凡民夷雜處者。爲圖區別。以示軍官。嚮往以次擒剿。四境底寧。歷陞雲南左

有以致仕卒平生剛介不阿在言路有蹇蹇譽事母孝
歷官三十年妻子恒留事母而以一僕自隨

廣西參議張文衡銓

張銓字文衡仁和人吏部郎中信之孫太僕丞瑛之從
子也成化辛丑進士官刑部主事爲人耿介不阿剛方
直諫多梗挺大節時尚書南宮某事多偏徇銓據法執
爭屢至厲於聲色尚書深憾之然亦不能奪也冢宰屠
某與銓有葭莩親銓絕不與通適屠有慶事同僚期與
偕行銓義不往屠大憾之以爲輕已人有薦銓者屠尼

不行銓在刑曹十八年風節愈勵家貧妻其妻日製食
餽之拾棄食竟以簋介不求出爲廣西參政舟覆而死
於水

刑部侍郎沈文進銳

沈銳字文進仁和人成化己丑進士授刑部主事進員
外尋擢江西按察司僉事初官西曹法比精練同僚推
重屢提刑江右聽讞明允事至迎刃而解會瑞州盜發
銳坐分地謫雲南廣西府通判以艱去服闋改判徽州
未幾陞廣東僉事龍水後山賊起勢猖銳親率偏師

直揭其巢俘獲甚衆平民脅執者皆爲昭雪所全活者殆千餘人復改江西僉事銳方介寡合不肯屈志以干進官五品者二十四年他人爲之不平乃稍遷副使陞廣西按察使明年進廣東左布政使尋陟應天府尹南京刑部右侍郎未幾乞歸已而逆瑾盜柄多鈎撓往事以誣士大夫之不附已者遂落職平生清介絕俗家居杜門泊如也嘉靖初追論舊德乃復其章服卒

吏部尚書王德輝華

王華字德輝餘姚人生而警敏讀書過目輒不忘六歲

與羣兒戲水濱見一人醉來濯足濯已便去遺所提囊
取視之數十金也華度其醒必復來恐人攫去舉投水
中坐守之少頃其人號泣而至華迎謂曰求爾金邪爲
指其處果得之其人喜以一挺爲謝華笑不受成化庚
子領浙江鄉薦第二明年廷試第一甲第一人授翰林
院編修歷官南京禮部尚書弘治中內侍李廣有寵華
爲日講官嘗講大學衍義至唐李輔國結張后表裏用
事誦說朗朗無少避忌左右皆縮頸吐舌上樂聞之
不厭講已遣中官賜尚食正德初逆瑾專政士大夫爭

走其門。華時爲禮部侍郎，獨不往。會華子守仁以兵部主事疏瑾罪惡，瑾大怒，矯詔杖之闕下。竄南荒以去。瑾復移怒於華，尋知爲微時所聞名士也，意稍解。冀華一見且將柄用焉。華竟不往。瑾益怒，遂出爲南京吏部尚書。猶使故舊致慰言，冀必往謝。華復不往，乃擢撫禮部舊事，勒令致仕。華性至孝，居父喪，廬墓下，墓故虎穴，虎聚至，不爲害。久之，益馴，比致仕，岑太夫人年近百歲，華壽亦逾七十，猶朝夕爲童子嬉戲，以悅其親。嘉靖初，論守仁平濠功，封推誠宣力守正文臣，特進光祿大夫，柱

國新建伯。賜誥券。封華勲階爵邑。如守仁。俾子孫世襲。適華誕辰。守仁捧觴上壽。華感然曰。吾父子及得復相見。耶賊濠之亂。皆以汝爲死矣。而不死以爲事難。卒平而平之。然此仗宗稷神靈。朝廷威德。豈汝一書生所能辨。此讒構橫行。禍機四發。賴武廟英明保全。今國是既定。吾父子之榮極矣。然禍者禍之基。能無懼乎。古云。知足不辱。知止不殆。吾老矣。得父子相保。牖下執與。犯盈滿之戒。覆成功而毀。令名者耶。守仁跪曰。謹受教。自是華日與姻黨置酒爲燕樂。以母喪哀毀過禮。及葬。使

跌數十里舊疾復作竟不起年七十有七訃聞命有司
備祭治葬事悉如禮

刑部侍郎楊志仁茂元

楊茂元字志仁禮部尚書文懿公守陳之子以進士員
外授刑部主事練習法比掌三法司奉勅錄南直隸因
有所平反陞湖廣按察司副使丁文懿艱起服改山東
通河決張秋憲廟初命中丞劉大夏董其役繼命太
監李典平江伯陳銳共治之典銳事多不法且犖大夏
肘乃抗疏首言治河之策乞取回典銳俾大夏專治之

有所責效而功易成并請革臨清鎮守凡三事由是中
人側目誣以妖言逮繫錦衣獄上察其忠謂長洲府
同知後治河一如其策當時廷議謂茂元三疏與文鑑
講學聽政疏實相表裏而剴切過之所謂有是父必有
是子也抵府不以請自廢益盡心民事過瘁致疾乃乞
歸家食五年絕意仕進卒以薦起知安慶府備堅以疾
辭時伍符爲太守賢者惜茂元抱經濟之略而未克用
也率僚屬暨博士諸生抵茂元責以大義不得已携二
僕以往時府多火災軍民苦之乃爲文以責城隍患卽

彈百姓以爲神三年考最陞廣西布政司右叅政風采
益厲罔恤烟瘴徧歷所部必進諸父老躬問疾苦而爬
搔之甯是時思用二府上官相仇殺茂元業以計擒岑
勢秦膚功矣會詔改二府爲流而降岑猛爲福建平海
衛千戶猛不樂遠徙遂擁兵叛勢披猖甚於昔時茂元
率騎入其境諭以禍福曰爾畏徙而稱兵何異悍搥舟
而自溺也不惟弃巢穴且將弃首領矣何不善謀若是
今魚窩寨苗賊背叛汝能備兵從征以功贖罪者吾將
奏請免爾遷徭叩頭願從卒平魚窩寨魚窩寨者柳慶

猛獍也。以夷攻夷，出不意以搗其腹心。論者以是役得
周閭之奇。時逆瑾擅權貪黷無厭，差御史孫迪假以查
盤布政司庫藏為名，所以速賄也。各道密饋瑾銀千兩，
而茂元若不聞。或諷之曰：「無千金，恐桎梏不免。」盍速
以免禍。茂元厲聲曰：「千金之餽，非盜官帑則剝民脂以
飽自謀，是畏無妄之災而犯有名之律，謹將益深可懼
之智乎？有死而已。」誓不為此瑾聞而憾之。吏部論平昔
功擬峻擢，瑾卒傳偽旨勒致仕，卽買舟歸。瑾誅起江西
左叅政陞雲南右布政使尋陞貴州巡撫。食都御史奉

勅兼制四川西陽湖廣湖北諸道兵以計筭子坪平頭
烏雞等苗寇俄晉南京都察院右都御史既得容矣以
爲兵糧已集機貴神速若需交承寇有備矣乃住扎湖
貴中界聲言候代而密授諸將方畧分兵合剿之斬虜
數千人諸寨悉平陞南京兵部右侍郎改刑部屢疏乞
身不許無何以疾卒年六十有七茂元倜儻有膽畧見
義當爲毅然爲之不少顧非其義一介不取與其初官
刑部時同年楊仕偉爲汪直所誣事白追減盛裝不足
又稱貸以益之時畏直莫之敢與茂元獨違衆假之署

其封曰刑部主事楊茂元俸銀十兩直見之歎曰好體
氣其離任雲南也司庫有餘銀數百鎰曰無得錢吏白
惟所用茂元叱之曰此正枉法贓也烏得無得籍識之
羣吏噴噴曰是何異楊公之四知性復孝友成文懿未
就之志拓始祖及五世祖墓地樹碑益田以脩時饗從
弟二人早失怙恃撫愛周至長求析箸乃垂泣諭以長
策不可回卒舉文懿所遺田盡與之仍歲給俸祿以爲
常問學宏博詩文俊麗尤精八法其草書士大夫爭寶
之張都諫弘謂其字畫道勁非特臨池之功亦正氣隨

嘗而見也時以爲格論

刑部尚書高肅政友璣

高友璣字肅政溫之樂清人生有至性母病朝夕湯藥
衣不解帶以孝稱既舉進士乞身歸省及捧銓檄赴選
途感異夢覺而驚遂復歸而母疾危克視飯含盡送終
禮人以爲孝感服除授南京刑部主事歷員外郎郎中
擢九江守治績爲十三郡最陞廣西叅政管田州府事
田故夷方險地土官岑猛者坐與族類構爭削秩詔以
漢官撫之謂非議達權變之人不可遂以屬璣璣聞命

單車入田境宣示威德諭以通順之理。猛初謁。循撫兵入衛。久之。感璣誠信。遂效款。東身聽命。不煩兵而寇平。事聞。復猛官。徙璣內地。顧忤權倖。意仍以知府調衛輝。三遷而後。以右副都御史。巡撫大同。璣洞達政體。刺裁如流。所至有赫赫名。然數裁抑貴倖。不少假卒。以蜚語降二級致仕。用薦起爲兵備柳桂副使。復四遷。而以右都御史。總督漕運江淮。故盜徒出沒爲患。璣督兵計之。誅渠魁而招徠其黨。江淮肅清。在漕三年。進南京工部尚書。改刑部。已而召入北曹。居三月。謝病歸。璣平居色

溫禮恭至臨事則疑疑操執不渝雖屢蹶而與無所依
違。嬖。姦。故。資。久。而。後。大。川。既。用。而。不。獲。入。學。士。大。夫。想
聞其名者有冥鴻千仞之恩焉。璣既致仕以俸入朔書
院買贍田教高氏子姓。剏望謁祠退考業講學孜孜無
倦色所居僅敝廬布衣蔬食終其身蓋孝恭樸素出於
天性然也。計聞詔賜祭葬贈太子少保謚莊簡。

副都御史朱廷璧瑄

朱瑄字廷璧鄞人舉成化五年進士第授刑部主事遷
河南布政使擢都御史總督漕運踰再期以疾致仕卒。

瑄性謙和謹恪、卓有定議、默觀世故、替災祥皆由人、致天之報施、遠近遐邇、萬萬不齊而無不巧中者、故所至屬節介、稟不可犯、位至三品、服不能具、朱紫家居、歲款、蔬食或不給、晏如也、都御史王璟奉命賑飢浙東、舍瑄貧、遺百金以佐薪水、瑄笑而卻之、曰、公奉天子命賑飢、民非賑飢官也、且天下寧有飢官乎、官即飢亦安得比齊民以邀十倍之惠於天子、自欺以欺人、不可、瑄聞之、竊然不復強、聞者兩高其誼、以爲賢比、卒無以飲、當路共醢俸爲贈、而始克襄事焉、

監察御史包民望澤

包澤字民望、鄱之江東人、弘治癸卯、舉於鄉、丙辰成進士、首以才儻、選授雲南道監察御史、庚申、奉璽書清戎陝西、飭理寧夏、固原諸要害、以風力稱已、而出按湖廣、風聲所至、貪吏解官、先是、郢王國絕、遺墾田一百六十頃、興襄二府爭攘之、執奏不已、撫按官不能決、澤至、詳覈始末、請以田歸興府、而襄府軍校得佃種如故、其事乃定、儀賓蕭璉、較轅諸司、王實左右之、澤曰、數亡格、寔非制也、盍以聞、王懼、卒出璉就獄、太和官巨璫、齊某者、

怙寵漁獵聞澤按部輒戕其下曰母縱閭羅包老擒汝
矣諸惡少無不縮手避巴東雜出洞壘以隸省會之邊
也恒負固不靖乃度地宜奏設九溪永定兵備諸夷不
兵而服未幾復命卒於京邸得年僅五十有七澤天性
仁孝二親早世孺慕終身不衰諸弟方在襁褓篤於撫
字俾有成立比析產一無所取追念祿不逮養積俸入
置田四十餘畝爲歲時伏臘之需與諸從共之在官清
白自持門無私謁鄉有猾盜詹掾尸者善發古墓事覺
繫獄暮夜啖隣人懷玉盃二黃金數十鎰請澤丐免澤

屬辟之曰此盜物也而後盜盜物可乎亟言於官置
之法卒之日家無私橐惟有東川政蹟十二卷

鄖陽府知府俞廷臣蓋

子諫附

俞蓋字廷臣桐廬人成化中以進士拜監察御史出按
真定等府中貴人傅恭家豪放民田商御史率脂韋兩
端莫敢辦蓋毅然割其田還於民且劾奏恭不法擒其
黨惡者數人服其辜時恭方幸於上莫不爲蓋危者
事且不測竟獲免出按江西九江外戚王氏萬氏勢方
烜赫其下恣橫境中吏莫何問蓋執而械之貴戚欲避

吉安知府許聰以剛愎凌上與臬司相訐奏事下蓋時
樵貴必欲置聰死蓋持平不阿忤樵貴意請判澧州考
最擢知茶陵州改知安陸時流民噴聚於鄖急之則變
緩之則爲後日憂兩臺重臣合奏預才識如蓋者乃濟
遂擢知鄖陽府博詢民隱寬猛並施學校城池祠壇廨
宇方秩然修舉而蓋以過劬致疾乞致仕歸行至武林
卒於驛舍僅年五十有五蓋所至喜與除利害疏滯冤
獄與橋民趙綱家居於盜莫跡其所由起蓋以御史按
其地綱見夢於蓋厥明捕盜六人下之獄一訊而服人

以爲神蓋卒之十四年仲子諫以進士拜南京監察御史
更進蓋階中議大夫贊治尹

涿州知州薛有年穰

薛穰字有年鄆人宋知衡州朋龜之後領成化壬午順
天鄉薦授涿州知州涿俗強悍民好鬪兼歲大侵盜賊
四起穰至鋤強弭盜親問民所疾苦而爬搔之發粟賑
濟賴以全活者億萬計三年改知澤州澤故孔道徵發
驛騷穰期會供億咸得其宜不煩而事集州歲苦河決
發帑金築長堤以捍之迄今以爲樂利澤故多中貴家

假汪直勢爲虎冠。率多不法者。穰一切以三尺治之。不
少貸。遂忤直意。遣緹騎逮入詔獄。人皆爲穰危。穰獨長
嘯曰。彼蒼者天。寧枉無罪哉。鎮撫吳璣直之鷹犬也。雖
心知穰枉。而猶脅取家人金賄。始肯貸出。穰咄家人
曰。吾寧戾死獄底耳。穰而以賄免也。何面目見天下士
乎。事卒得白。復原官。未數月。事更有不平者。乃浩然歎
曰。時事如此。尚可婪仕乎哉。遂掛冠歸。宦橐不入私室。
置薄田數畝。與昆弟共之。散其餘祿於鄉族。力行善事。
日以粉版記之。倣古人黑白直之意。當時稱其篤行。卒

年六十有七。

河南左叅政秦從簡文

秦文字從簡臨海人弘治壬子以毛詩中浙江鄉試第一癸丑登進士第授南京行人司行人轉司副丁外艱歸服闋遷刑部郎時逆瑾之亂羅織京朝官刑曹易染尤甚文以身殉法不少貸獄獄精明老吏皆自以爲不及瑾竟不能害未幾遷貴州提學副使以母喪去服闋仍改陝西文之所以憂歸也借宅以居蕭然無長物終喪三年哭虞祭莫悉中禮其兩持文衡也以身爲教親

爲講解大要、以抑奔競黜浮薄爲先、兩地士習爲之不
變、在陝二年、遷河南布政司左叅政、時河圯爲患、民生
彫瘵、而武宗日事巡遊、征調無藝、文慨然以不得行
其志爲恨、遂乞身歸、時年五十有六耳、復杜門謝事、教
養子弟者十一年而後卒、文歷官三十年、一介不苟、至
晚年持之益堅、蓋天性然也、其自陝入覲時、僉倖錢穀
孫安、廖鵬輩各以其故來視、輒謝不見、或以禍福惕之
者、文毅然曰、君子立身自有本末、奈何與小人作緣、聞
者咋舌、其堅正不撓類如此、其學繙以聖賢自任、仙釋

之說一不入於耳。復不爲近世門戶同異之習。四方士
彙就正之。稱儒宗云。

都御史王汝言繪

王繪字汝言。慈谿人。由進士除工部主事。改禮部儀制
司。進郎中。各王府庶生子。奏乞祿米。繪悉裁之。以祖
訓且請條陳限年以受封。歲省公廩百餘萬。陝西守臣
進古璽稱賀。辨其誣。歷陞廣東參政。湖廣右布政。廣西
左布政。所至平政均役。飭舉綱維。懋著勛伐。時久次不
調。連璽方牢籠天下士。貴淺者俱獲顯擢。或勸之。應曰。

三十年娶居忍改節邪萬一被蜚角巾私第亦復何憾
後晉都御史巡撫湖廣年侵盜起逆瑾橫征又修造壽
榮二府第動以萬計乃賑乏蠲逋計處工役民困以臻
奔父喪歸會仁化樂昌乳源連州盜犯郴桂甚急乃奮
情起復督兵往平之事竣歸制以疾卒繪剛方耿介不
媚流俗務爲身心經濟之學而以喜聞過罕言利爲進
右銘所著有學庸要旨節齋雜稿若干卷藏於家

刑部右侍郎王德深

王洩字德深嚴之建德人以進士知蔚州時逆瑾擅政

中貴有占民田爲牧地者，沒奪還之民，瑾聞大怒，矯詔逮繫錦衣，欲誅之。釋陞刑部員外郎。武廟南巡，上疏諫止，赦歸。下得不死，未幾出爲山東按察司僉事。兵燹沂州，嘉靖改元，進貴州威清兵備副使。有土夷吳隆賢，僞得朱印，持以爭官，構亂。凌設方畧，擒之不費兵，餉而地方以寧。又土舍安萬銓，未授宣撫，頗驕蹇，不用命。凌以誠信撫之，適寧國土夷恃險作亂，久不能平。衆謂非安氏兵不可破，凌移檄召之，即馳赴，縛其渠，遂挾蹙使轉河南左右布政使。擢寧夏副使，蒙訓所親曰：「吾昔守塞，

地衝而民貧不勝後嗣饒而民力甚紆吾今得均之矣茲任未幾遂均二州之役爲縣人所中乃左遷福建右奉政歷陞右副都御史提督南贛等處軍務時南甯守某者欲規薦剗置數百金於米囊以獻沒覺而叱去之聞者竦然在鎮三年進南京刑部右侍郎尋改北未幾九廟災遂懇乞致仕歸澹素性勤儉非疾病未嘗不雞鳴而起暇則手不釋卷其飲食服御如布衣凡祖縣所遺悉推讓諸姪曰祖宗積德而發於吾幸有祿位已又可與汝輩析其私邪歟歷中外三十餘年所至無

事煩棘而去後之思恒不能已至今稱之曰篤行君子
工部尚書蔣粹卿瑤

蔣瑤字粹卿歸安人弘治十五年進士以監察御史出
守荆尋徙揚會武廟南巡諸省騷動凡乘輿供御及
宦寺官妾親軍賂遺莫可貲算瑤曰備亦罪不備亦罪
備則患及於民不備則患止於身惟姑設二十更番迭
遣以迎不復橫歛以爲悅權倖江彬輩橫加折辱不爲
動一日上捕得大鯉戲言直五百金謀所以鬻者彬
請以昇瑤促值甚急瑤卽脫妻女簪珥及綈絹服數事

蒲伏而進曰魚有直矣他無所取惟妻女衣裝在焉臣
死罪臣死罪 上熟視之曰汝真騷子耶吾無須此亟
持歸魚亦不復取直郡有瓊花觀 旨取瓊花以觀瑤
以帖紙立書此花生於某年爲瑞應至徽欽北轅此種
已絕今止存其名耳 上默然知瑤之借瓊花以諷也
中貴欲選官女數百人備行在撫臣欲刷之民瑤曰民
女不可刷無已臣有一女以進 上知其不可動詔罷
之及 駕旋扈送至淮由淮達徐布袍小帽着雙不借
步行露宿奔走承應若奴隸然辛苦萬狀毅然直以身

任而終不忍煩一民民德瑗次骨立祠肖像而祀之
瑗走卒至今以蔣公稱乙酉陞副都御史巡撫河南擢
掌南京都察院事晉工部尚書加官保年七十二引年
歸居家謝跡公府惟約同好十五人結社於硯山逸老
堂其接人惟和氣謙德見之者如坐春風中私居僻處
陋巷過其門有不知爲尚書之家者年八十九而薨計
開賜祭葬仍贈太子太保謚恭靖

都御史胡汝登東臯

胡東臯字汝登餘姚人弘治乙丑進士初授行人歷南

京刑部郎中先後讞大獄數十靡不稱平已而出守寧
國風夜孜孜察民所疾苦而亟拯之在任六年遷四川
按察司副使已又改威茂兵備平西番耿勺之亂進按
察使尋晉都御史遷撫寧夏奏築花馬池賀蘭山邊牆
三百餘里西北至今賴之聞弟喪乞歸再起撫治鄆陽
未幾召還內臺以抗直忤執政會太廟災上疏自劾
去東臯歷仕與處苟利於人必身任之守官餘三十年
田不滿頃孫文恪陞嘗語人曰吾姚仕宦而清貧如寒
暖者三人胡中丞東臯宋中丞冕胡太僕鐸時號爲寒

江三廉云、

都御史宋孔瞻冕 孫岳附

宋冕字孔瞻餘姚人弘治中進士初官刑部主事以執法忤逆瑾矯旨誅知金谿瑾誅後召爲禮部主事敷歷外藩終撫治鄖陽都御史冕沉毅有識外和而中介所至厭飢雪枉如救頭然屢平巨寇殲其魁脅從弗問所活先後數千人居官三十年被服如寒士鄉評重之孫岳舉進士官至按察使

太僕寺卿胡時振鐸

胡鐸字時振餘姚人弘治中進士選庶吉士入翰林讀
中秘書尋改給事中忤逆瑾出爲河東鹽運司運副增
然不染瑾敗累遷福建督學副使其教士一以理學爲
先而尤達於易所著易說至與蔡虛齋氏並稱歷太僕
寺卿而卒鐸平生坦易無城府然自守甚介不可干以
私身歿未幾子孫至不能舉火姚人稱爲真道云

廣西布政使楊惟德守隅

楊守隅字惟德守陳之從弟也登成化甲辰進士第授
工部主事改兵部車駕司出按陝西馬政剗剔宿蠹百

度以貞轉職方司員外郎郎中陞江西按察司僉事時
逆瑾弄權流毒縉紳有誣人不法事罪應籍沒者守厠
獨以爲誣而持之瑾怒先後罰米四百石遂奪職以歸
瑾誅詔起原職旬宣四川遭流賊麻六等下上蜀漢間
勢甚猖獗守厠多方捍禦西川以寧陞廣西布政使懇
乞骸骨再請始得歸守厠端謹醇厚性溫而厲事有不
可則義形於色比歸日與諸伯仲觴咏自適未嘗一跡
城府人尤高之

淮縣教諭吳夢葵

清直

卷之三十六

四

光緒堂

吳夔字夢夔，西安人。由舉人任永春教諭。士頌得師，尋改維溝。士頌之如永春，弘治甲子典陝西文衡，得士爲多。吳士沈孟淵卒，不能歛，賻以聘金。鄉人崔巍兄弟道所任並疾卒，親爲飯含而歸其喪。當道交薦，有曰：「學行俱優，才堪風憲。」以耻附逆瑾，不得顯擢，遂乞致仕。家居足跡不入城府。僉憲韓邦奇門生也，分巡三衢，龍游胡某者懷數百金遺夔求釋罪，拒之甚峻。卽露柬邦奇曰：「嫌疑之際，毋勞枉駕。二守喬遷，亦門生奉御史檄訊西安梁宰獄，以二百金遺夔求囑免。毅然辭謝，其剛介類

如此變性孝友。母病疽口。作其臙父喪廬。基讓兄室。自
構草屋以居。風雨不蔽。安之甚。居郡守沈杰。每稱曰。篤
行君子。請總裁郡志。著有事先論。後諸集藏於家。

湖廣按察副使徐汝容潭

徐潭字汝容。錢塘人。廣南守敏之子也。弘治癸丑進士。
歷官南京刑部郎中。秉公守法。請託不行。改工部郎中。
時工役繁興。潭爲程其出納。會計詳慎。乾沒者無所容。
其奸陞湖廣參議。秩滿。晉按察司副使。兵備辰沅。時豪
貴陶倫罪當死。以千金賂潭。潭却之。持益急。倫懼。走賂

代事者竟得縱而渾反被深文之名遂罷歸囊橐蕭然
居無華屋出無輿從性耿介一毫不苟取然好義樂施
赴親交之急輒傾貲與之雖至空匱弗渝也

山東叅議徐成之守誠

徐守誠字成之餘姚人少刻苦自樹潛心理學弘治中
登進士授南京兵部主事嚴於稽覈戎伍以清尋執父
喪廬於墓有馴虎甘露之異鄉人名其山曰慈山服除
補刑部日與四方名士相討論學益進嘗陳時政十餘
事多見採納出爲湖廣僉事理冤糾墨不避權勢遷山

東奉議以疾歸踰年而卒守誠孝友廉介非其義視干
駟萬鍾若土其歷官二十年室廬僅蔽風雨有慈山鉅
著數十條爲學者所誦

大理寺司務姜實夫芳

姜芳字實夫蘭谿人博學篤行稱名儒弘治中領鄉薦
第六數上公車不售謁選授廬陵教諭正身帥物懇懇
以文章節義爲訓應聘典試於闕或有以私求舉者嗟
拒之居父母憂起教蕭縣九年考績陞大理寺司務未
幾逆瑾竊柄流毒縉紳芳慨然以不得行其志爲恨遂

乞休歸蕭然一室下鍵讀書微疾能自知死日具衣冠端坐而逝嘗自志其墓曰吾以魏世之好諛者

吏科給事中吳子華薈

吳薈字子華山陰人弘治中進士選庶吉士人翰林尋拜吏科給事中剛直敢言每彈刺大臣及諸貴倖不法事無所顧忌朝野肅然敬憚嘗以事劾天官卿天官卿及中傷之免官歸環堵蕭然閉門不出彈琴讀書以自娛嘗過午不炊適有餉者謝而笑曰餓死事小安敢以身爲溝壑卒不受

湖廣按察司副使俞仲才振才 弟振英附

俞振才字仲才，新昌人。弟振英，字仲英。成化中相繼登進士。振才初授行人，拜監察御史。凡朝政缺失，必抗章論劾，不避權要。兩按川貴，風裁愈勵。宋學士景濂、洪武新誦死，薨州，榮葬淺土。振才爲改窆，成都封馬鬣，遷湖廣按察司副使。先是臬司有淫祠，感人胥吏以下，敬祀之，毋敢褻。振才至，立命撤之。羣疑遂解。兩按藩王獄，執法不撓。家居務清約。孝親睦族，急人患難，不以存亡二心。好讀書吟詠，所著有皇華內外臺集、湖南湖湘詩文。

稿新齊集若干卷振英初知安東一日得淮流浮尸衣夾揚州市緝目振英曰是必有冤遂遣數人分入羣盜中市緝默察其色號相符者貴買之一人得數縑歸與目無二索其舟果得餘縑并所掠少女衣物女言亡官眷屬被害已十口矣獲盜二十餘人皆伏法人稱神明移官臨淮再補豐城青溪所至刑清訟簡民德其惠歷陝西兵備僉事以斬虜功擢尚寶司卿時逆瑾擅權文武大吏多出其門振英至京或謂曰曾謁劉司禮乎書刺必謙抑振英再三詰故乃以刺示英英不答出曰吾

老矣不能僂首閤。豎遂棄官歸。天下高之。家居清約如布衣。鄉黨以爲難。